

Intervento di monsignor **Valentino Costante**



Buine sere a ducj.

O soi propit content di jessi chi usgnot a benedî cheste... no sale, lis personis che a vignaran in cheste sale. O ringrazii la siore... Jo no soi di Glemone, no soi vignût chi prime dal taramot, ma mi soi imagjinât, biel che jê a contave, dut il percors cemût che al podeve jessi chi; grazie di cheste ricostruzion, parcè che a servìs a fa memorie e la memorie a devente fondamentâl par vivi vuei e par costruî il doman.

L'assessôr nus a ricuardât la situazion no propit facile, però al à metût in lûs che la buine volontât des personis, e duncje il voluntariât, al rive a fâ miracui; eco, jo daûr di cheste riflessione no ai nuie ce zontâ. Mi à colpît – e m'al soi puartât daûr – l'invît pa inaugurazion

di cheste sede: une rêt blancje che improvissamentri a devente blu, par fâ capî (jo o ai let cheste robe chi e us e dîs) che lis personis e àn une ricjece interiôr straordinarie che je dade di une visibilitât e di une invisibilitât. Jo mi auguri che la benedizion che o fassarìn cumò a servissi a dâ consistence ae invisibilitât di ogni persone par podê meti te visibilitât dut il ben che si pues realizâ. E alore, come che ai dite, cheste imagine a devente preziose propit pal lavôr di tante int diferente, come che al à ricuardât ancje l'assessôr, cu lis tantis associazions che a saran chi dentri. Dutis lis associazions – de sportive, ae tecniche, ae culturâl – e son fatis di personis che e àn un colôr celest e un colôr blanc; o vin di savê doprà ducj i doi i colôrs par che Glemone e seti propit bieles.

(testo trascritto dalla registrazione audio e non rivisto dall'autore)